

UGOVOR

za usluge štampanja omota spisa i ostalog štampanog materijala

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Reisa Džemaludina Čauševića 6/III, Sarajevo, koga zastupa Mirsad Ćeman, predsjednik Ustavnog suda Bosne i Hercegovine (u daljem tekstu: **Naručilac**)

i

„SVJETLOST-BH PRINT“ d.o.o., Ismeta A. Šerbe br. 3, Sarajevo, ID broj 4202043620009, koga zastupa Ismir Brkić, direktor (u daljem tekstu: **Izvršilac**)

Član 1.

Predmet ovog ugovora je štampanje omota spisa i ostalog štampanog materijala prema definisanim uslovima iz tenderske dokumentacije broj P3-332/17 od 4. aprila 2017. godine, prema sadržaju ponude Izvršioca broj 14-04/17 od 14. aprila 2017. godine, sa kojom je Izvršilac učestvovao u provedenom postupku konkurentskog zahtjeva za dostavljanje ponuda a koja je sastavni dio ovog ugovora.

Član 2.

Cijena za štampanje omota spisa i ostalog štampanog materijala definisana je u Obrascu za cijenu ponude Izvršioca i iznosi 1.691,80 KM bez PDV-a odnosno 1.979,41KM sa uračunatim PDV-om.

Član 3.

Izvršilac se obavezuje da će roba iz člana 1. ovog ugovora u potpunosti odgovarati traženim tehničkim elementima iz zahtjeva Naručioca za dostavljanje ponude broj P3-332/17, odnosno da će odgovarati dostavljenim uzorcima po kvalitetu papira i dimenzijama.

Izvršilac se obavezuje da će poslove iz člana 1. ovog ugovora izvršiti najkasnije u roku od 60 dana od dana zaključenja ugovora.

Izvršilac se obavezuje da će Naručiocu isporučiti robu iz člana 1. ovog ugovora u prostorije Naručioca u ulici R. Džemaludina Čauševića 6, Sarajevo - III sprat, te da će istu pratiti potrebna dokumentacija.

Izvršilac se obavezuje da će dostaviti fakturu na osnovu otpremnice potvrđene od strane Naručioca da je preuzeo robu koja u potpunosti odgovara traženim tehničkim elementima. U slučaju odstupanja, Naručilac će vratiti materijale na ponovno štampanje o trošku Izvršioca.

Član 4.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 7 dana po prijemu robe bez primjedaba i dostavi fakture, istu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u BiH.

Član 6.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 7.

Ovaj ugovor stupa na snagu danom potpisivanja od strane ovlaštenih lica ugovornih strana.

Član 8.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

ZA IZVRŠIOCA

Ismir Brkić
Direktor

Datum: 03.5.2017.
Broj: 4-5117



ZA NARUČIOCA

Mirsad Čeman
Predsjednik

Datum: 03.5.2017.
Broj: P3-332/17

